



Br: 02-02-1-935-2/19
Sarajevo, 12.06.2019.

N/r direktora

PREDMET: Poziv bh. kompanijama za učešće na Međunarodnom sajmu namještaja imm cologne 2020, Köln - Njemačka, 13-19.01.2020.

Poštovani,

Vanjskotrgovinska/ Spoljnotrgovinska komora Bosne i Hercegovine organizira **deseti kolektivni nastup bh. firmi na Međunarodnom sajmu namještaja i interijera imm cologne, Köln (SR Njemačka)**, koji će se održati u periodu od **13-19. januara 2020. godine**.

Paviljon Bosne i Hercegovine ukupne kvadrature **209 m²**, bit će smješten u **Hali 5.1**, gdje se predstavljaju kolektivne izložbe/ nacionalni štandovi zemalja Jugoistočne Evrope, Baltika itd. (Prilozi: Mapa hala imm 2020; Tlocrt hale 5.1).

U bh. paviljonu izlagat će ukupno **7-8 bh. firmi** koje zadovoljavaju **kriterije učešća**. Za predstavljanje bh. firmi i njihovih proizvoda predviđeno je **190 m²**, a preostali prostor namijenjen je za zajedničke potrebe izlagača i organizatora (info-prostor, ostava). Minimalna kvadratura po firmi iznosi **20 m²**, a maksimalna **30 m²** (iznimno i veća, u slučaju manjeg broja prijavljenih firmi koje zadovoljavaju kriterije, ili ako je ostalo slobodnog prostora).

Troškovi koje snosi Vanjskotrgovinska komora BiH su:

- Dio troškova **zakupa prostora**;
- **Ukupni troškovi uređenja štanda BiH (dizajn, izgradnja, transport i montaža štanda)**;
- **Obavezni unos u katalog izlagača Koelnmesse** (u iznosu od **1.550 EUR po firmi**) za sve izlagače bh. štanda;
- **Logistika na štandu** (struja, čišćenje, osvježenje – voda, kafa, sokovi..);
- Troškovi izrade **zajedničkog kataloga bh. izlagača**;
- Troškovi **pripremnih i marketing aktivnosti**.

Troškovi koje snose bh. firme:

- **Participacija u zakupu prostora štanda u iznosu 175 EUR/ m² + PDV (17%)**.
- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Kölna i nazad.

Kriteriji za učešće firmi:

- Firma je **izlagač namještaja proizvedenog u BiH**, i to: **namještaja za opremanje stambenog prostora - dnevna soba, spavaća soba, dječija soba, trpezarija**; **Prednost imaju firme koje proizvode namještaj od masiva i tapacirani namještaj**;
- Firma ima iskustvo u izvoznim poslovima i upošljava barem jednu osobu koja aktivno komunicira na engleskom i/ ili njemačkom jeziku;



- Firma je strateški opredijeljena za izvoz na tržište EU i ima adekvatan kvalitet proizvoda;
- Prednost imaju firme koje u proizvodnji koriste sirovinu sa FSC FM ili drugim adekvatnim certifikatom i koje posjeduju ili su u procesu dobivanja FSC CoC certifikata;
- Prednost imaju firme koje posvećuju posebnu pažnju dizajnu proizvoda i poštuju međunarodna pravila intelektualnog vlasništva;
- Prednost imaju firme koje trenutno nemaju značajne dugoročne poslovne aranžmane i kontinuirane isporuke na tržištu EU;
- Prednost imaju firme sa većinskim domaćim kapitalom;
- Prednost imaju firme koje su aktivni članovi V/STKBiH (redovno izmiruju obaveze plaćanja članarine), te firme koje izlažu prvi i drugi put na sajmu imm cologne;
- Firma je izmirila financijske obaveze proizašle iz prethodnih nastupa na sajmovima koje je organizirala V/STKBiH i pokazala je profesionalan pristup prilikom ranijih izlaganja (podjela informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Firma će na zahtjev V/STKBiH dostaviti podatke o poslovanju koji će se koristiti u svrhu analize rezultata nastupa;
- Firma je odgovorna za pripremu, pakovanje i transport vlastitih eksponata do sajmišta Koelnmesse i lokacije štanda BiH, te pakovanje i transport eksponata nazad u BiH;
- Firma će osigurati prisustvo najmanje jednog predstavnika cijelo vrijeme trajanja sajma, što uključuje i pripremni period (od 12-19.01.2020.).

Selekcija učesnika

Selekcija uključuje intervju sa ovlaštenim predstavnicima prijavljene kompanije i dostavu dodatnih informacija o firmi (upitnik za evaluaciju baziran na kriterijima iz Pozivnog pisma, slike proizvoda/ eksponata, itd.), te posjetu firmi (obavezno u slučaju ako se prijavljuje prvi put). Maksimalno 8 firmi koje zadovolje kriterije selekcije, bit će pozvane da u kratkom roku izvrše uplatu participacije na račun V/STKBiH po osnovu ispostavljene fakture, čime potvrđuju svoje učešće. Firma koja ne izvrši uplatu participacije do definiranog roka bit će eliminirana, a organizator će na učešće pozvati drugu kompaniju koja zadovoljava kriterije.

Pozivamo Vas da izrazite svoj interes za učešće na sajmu, popunjavanjem priložene **Prijave učešća** koju možete dostaviti putem faksa (033 214 292) ili skeniranu putem e-maila (lejla.mededovic@komorabih.ba). **Rok za prijavu je 27.06.2019. godine. Kontakt osoba za dodatna pitanja: g-đa Lejla Mededović (033 566 231).**

S poštovanjem,



- Prilozi: 1. Prijavni obrazac
 2. Mapa hala imm 2020
 3. Tlocrt hale 5.1